



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnium Generalium Et Provincialium Collectio Regia

Ab anno CCCXIV. ad annum CCCXLVI.

Parisiis, 1644

De electione archiepiscopi Cypri subiecti patriarchae Antiochiae. Capvt
XXXVII.

urn:nbn:de:hbz:466:1-15072

ANNO CHRISTI 325.
 rat aliud præterquam quietem & tranquillitatem
 ipsorum Perfarum, tamen non licet immittere se ad
 constituendum ordinem ecclesiæ, sed potius in
 omnibus sint metropolitanis patriarchæ obedi-
 entes: & qui contradixerit, Synodus eum excom-
 municat.

*De creatione patriarchæ Æthiopia, & de potestate eius,
 ac de honore ei habendo in Synodo Græciæ.*

CAPVT XXXVI.

Vt non possint Æthiopes creare nec eligere pa-
 triarcham; quin potius eorum prælatus sub pote-
 state eius sit, qui tenet sedem Alexandria. Sit ta-
 men apud eos loco patriarchæ, & appelletur catho-
 licus; non tamen ius habeat constituendi archie-
 piscopos, vt habet patriarcha; siquidem non ha-
 bet patriarchæ honorem & potestatem. Quod si
 acciderit vt Concilium in Græcia habeatur, fue-
 ritque præsens hic prælatus Æthiopum, habeat se-
 ptimum locum post prælatum Seleuciæ; & quan-
 do facta fuerit ei potestas constituendi archiepi-
 scopos in prouincia sua, non licebit illi constituere
 aliquem ex illis: & quicumque non paruerit, Sy-
 nodus eum excommunicat.

De electione archiepiscopi Cypri subiecti patriarchæ Antiochia.

CAPVT XXXVII.

Si episcopus Cypri diem suum in hieme obie-
 rit, & non potuerint populi propter tempestatem
 maris mittere Antiochiam, vt patriarcha Antio-
 chenus constituat ipsis archiepiscopum loco mor-
 tui, debent scribere ad patriarcham, & petere ab

eo, vt permittat eis constituere quem voluerint; neque prohibebit hoc patriarcha, postquam ad eum scriptum fuerit; sed potius concedat tredecim episcopis, vt congregentur & constituent archiepiscopum loco mortui; ne defuncto archiepiscopo principio hiemis, sine capite propter tempestatem remaneant, & ne aliquis fortassis ex tredecim episcopis a vita recedat, & non sit archiepiscopus qui constituat episcopum loco mortui; atque ita fiat, vt toto eo anno archiepiscopo careant: ob hanc causam constitutum est hoc; & qui contradixerit, Synodus eum excommunicat.

Attestatur huic Canon Synodi Ephesinæ septimæ Græce. ait enim antiquum morem esse, vt patriarcha Antiochiæ ordinationes in Cypro faciat: ordinat enim archiepiscopum Cyprî, sine cuius auctoritate non possunt episcopi Cyprî constitui, quisque ab ecclesia sua electus, & non ab ecclesia alterius, secundum veteres Canones.

Quid hic rursus excusabunt qui electiones, aut nominationes episcoporum diutius protrahunt, cum Synodus Nicæna, ne euenire posset, vt anno vno Cyprus sine archiepiscopo esset, si ad electionem eius auctoritas patriarchæ Antiochiæ expectanda esset, censuerit, concedendum esse episcopis Cyprî, vt ipsi quem vellent eligent, ac constituerent archiepiscopum, si per tempestatem hiemis non liceret de electione ad patriarcham referre.

*De ordinatione ministrorum ecclesia episcopis prohibita
in aliena diœcesi.*

CAPVT XXXVIII.

Can. Nic.
16. Can.
apost. 35.

Vt nullus episcoporum in parœcia alterius ordinationes presbyterorum aut diaconorum faciat, exceptis patriarcha & archiepiscopo in locis quæ sub potestate eorum sunt; nec quidquam disponat in aliena parœcia sine licentia proprii episcopi.

De